



Olonici nominis originem tradunt à planis campis, quos Pole ipsi vernacula sua lingua vocant. Dicunt enim ex Croatiae populis in Dalmatia duos egressos esse fratres, Zechum & Lechum, quorum hic versus Orientem & Septentrionem tractum tenuerit, ubi planities latulque campus erat, ex eoque Poloniā terram nominasse. Hi itaque electis Vandalis, qui hoc loci olim habitarunt, hunc tractum occuparunt. Erant autem Vandali V Vigevv onum populi à Vando Tuisconis & Manni nepote sic dicti, quem apud Tuiscones imperasse refert Berosus, tempore Altadis duodecimi regis Babyloniorum à quibus & Vandalus flu. quem Vistulam hodie vocamus, dictus est: eum namque Vandali à Fontibus ad ostia usque accoluerunt, ac inter Sarmatas Europaeos commemorati fuere quamquam hoc controuersum dicit Erasmus Stella, qui Peucinos Bastarnasq; eadem loca tenuisse refert. Dividitur autem Polonia in duas partes, quarum quæ Saxonibus Prutenisque vicina est, maior Polonia dicitur, altera Hungaria ac Russiæ obiecta minor vocatur. Regnum vniuersum velut in quatuor regiones divisum, quas in orbem Rex quotannis inuisit: singulæ ternis mensibus alunt regem regiumque comitatum Complectitur minor Polonia Vistula fontes, ac Cracouiam celebrem & amplissimam urbem, in qua regia est, totiusque regni Gaza: Rundissa flu. urbem circumluit, & aquæductibus etiam perluit sita verò est Cracouia ad Valuelū montem, in cuius summitate regia arx est; floretque Academia celebri, quam primū quidem Hedvigus & Casimirus reges fundasse, Vladislaus autem anno 1400. restaurasse perfecisseque dicuntur. Maior autem Polonia complectitur famatissimas urbes Guefnam, quam Lechus edificasse ibidem in planicie dicitur. cæteræ ciuitates parum nitidæ sunt, ex maceria domus ferè omnes composite, plerique luto collinitæ. Regionis aer purus, sed frigidus rigensque ac seueræ hyemes, plaga autem eius palustris & nemorosa, plana, rarissimisque montibus conspersa. Solum ferax, triticique abundas, nec minus hordei leguminumque. Verum nec olearum nec vinetorum patiens, ob rigidum vicinum Septentrionem: ideoque etiam genti ignotus omnis vinearum cultus, ac rariissimus vini usus, cum bibacissimum sit hominū genus, ut totus Septentrio. Factitia ex tritico alijsq; generibus seminum potio est in usu. Est & pascuis idoneus solum, armenta latè pascuntur, vnde lacte butyro, carne ac id genus edulij abundant. Mirum autem cur totus hic tractus in Scythiam usque adeo apibus abundet, ut ceræ mellisque nusquam maior copia sit, nec aitem ibi expectant, nec industria iuuari volunt, sibi metaluearia intra roborum excavata latera construunt, adeo ut grauiissimas hyemes iuxta facile ferant. Et que hec terra planè suis prædicta floribus, & per extiu nullus magis Sol aspicit, quando longissimus est dies, qui animali ad labores nato brevibus umbris operam intercipit, vnde hic mellis ceræque copia tam ingens ut non sat his Polonis atque Ruthenis loci supersit quibus illa recondant, arbores namque omnes & syluz aluearibus mellificantum nigricant. Venatio præterea Polonis multiplex est: eius enim nemoribus gignitur equus sylvestris cornu ceruino, Bos ferus, Romanus virum vocant, bisontemque. Aucupium ibi largum, piscatioque diues. Picis resiliæque quotannis ibidem collectæ ingens lucrum. Regio omnis nobilissimis fluminibus rigitur, quorum primum est Vistula, inde Chronus quem Prægel nunc vocant accola; hunc sequitur Nyemien ex paludibus ortus prope Kopiolovv. post eum Rubon flu. in Lithuania ortus. Viadrus quoque quem Oderam nunc dicunt, fontes suos Poloniæ debet, quos iuxta Odri nomine vicum cernere licet. nec procul ab his Vartæ flu. fon



flu. fontes visuntur iuxta Crum lavv vrbem. Tyras autem quem Nyester nunc vocat, in Premislia ortus, versus Eurum trahitur, ac Ponto Euxino miscetur. Hypanis autem flu. Bugh hodie dicitur, ex palude oritur, haud ita procul ab Oleska viba, ac Vistula non procul a VVyschigrada miscetur. Borysthenes autem cui nunc Nyepero non men est, ex virginoso Molcouiae deserto prolabens, in Euxinum quoque pontum degurgitat, præter hos ignobiliores multi allabuntur. Montes ferè nulli sunt, præter quāqua in Meridiem vergit, & ab Vngaria, Sarmaticis, Capathijque montibus, quos Tauri incolæ vocant, dirimitur. Sylvis omnis pene regio obducitur, quæ omnes Herciniæ portiones sunt, vnde vicinis Germanis fraxinos ingenti copia ministrant. Plumbi metallæ ingenti fodunt abundantia. Cupri quoq; particulae crebrae apud Præmissiam vrbem reperiuntur, cui tamen minimè infidiantur. Nec auri mineræ illis defuisse creduntur, si eius venæ inquirantur, Salis fodine hic binæ extant, altera Bochniæ vrbæ, quatuor à Cracouia miliaribus distata, altera Velisci quam Vielitzham vocant, quinque ab eadem Cracouia miliaribus distante. Velisci quidem leuiori omnia opera constant: Bochniæ magnus in extrahendo labor est, cum quod multis in locis extra hitur tum etiam quòd ex altissimis fossi, interim per cuniculos trahitur, interim machinis subtus fabrefactis, attollitur, donec hac & illac vario flexu per cryptas prouolutus, & levies minimum subterraneis illis machinis sublatus, demum ad supremi introitus fauces conuoluitur, ut claram in lucem attollatur. Cumque Velisci fossæ sint præter cameras, alicubi octo cubitis, multis interim longioribus, constat Bochniæ præter primarum faucium immanem profunditatem in altissimam fossam octoginta scalarum altitudinem durare, & quotidie fieri altiore, innumera salis excisa copia. Bochnianæ glebgæ puriores salisioresque existimantur, Vtrobique per reliqui salis rupe, venæ quædam euagantur, pellucide & Christalli modo nitide, salis gemmeæ) ut recentiores cognominant, cuius præcipuus est in medicinis usus. Apparent & venæ extincto carboni nigrore similes, quarum materiam, aurei pondere coarctatam & modo vino sumptam, alium soluere aiunt. Mirum verò inter tot fœcundæ naturæ miranda opera, spectaculum tanta altitudine solidos salis demitti montes, & cuniculis in rata spacia adactis, ad lucernarum lumina moles subterranea sexcauari. Nullus illic dies, nulla nox sed umbra tantum sine celo. Velisci non raro ingentium se se templorum specie cameræ efferunt, immanibus salis columnis extantibus, quibus superiora solidò & ipsa concreta sale seu fornices quidam sustinendis montibus enati, imminet, grauissimo se se pondere, admirabili quadam operariorum industria librante, Bochniæ mille quingentorum pondo Germanicorum graues micæ extrahuntur, & interdum maiores cædi aiunt. Hęc autem Romana pondo tria millia æquant. Est & in hac terra aliud naturæ miraculum, quæ apud Nochovv & Faluky oppida ollas sua sponte sicut formatque, quæ è terra extractæ ac siccatae, vti factizæ ollæ utiles sunt. Sulphuris præterea hic venæ sunt plurimæ, cum thermæ nullæ sint.

